

詠菴詩存

飛鴻堂初稿

古今體一百十九首

全部六卷卷之二

庚寅秋雁題誌



飛鴻堂初集序

飛鴻堂初集汪子初纂存其家
詩也詩必有序古也初纂之詩夫人可
以序之而必命余何也初纂他集容或
可以他人序之初集則舍余莫屬也方
余之歸畊也道暑於南屏讓公之



秀壇坵既設舊雨新雨糜在倚高峰
而架不律慈明湖以磨陷糜抒情
則霞彩澄鮮落韻則華鯨四應歌
詠太平追擊壤而安耕鑿何其樂也
訖菴以終賈之年騁妍抽秘進而與
諸宿老相抗行集中所存者如枯棋

教著佈置於楸枰間庶可教初菴
以為初菴值吾社事之初也廿年以來
山水神明之茂宰投晉解紱之耆英
澹囊之名德寫鞍之寓公以衣皂帽
之高士相率而登鬼籙其偷息人必
者惟余與吳兄甌亭而已甌亭調病

初序
二
閉戶不復闕預外事余以垂死之年龍
鐘獨播風雅之殘局將伯助予於何
葬不無厚望焉斯編也在何葬為發
軛之始基在我則如前塵昔夢略一
省憶款款煩醒累日夕而不能釋是
即吾三十年之詩史也余不之序而

謂他人能之乎吾不信也

乾隆歲在己丑四月望後三日秦亭老
氏杭世駿

序

汪子秀峯束髮受經於予天姿秀
特思理絕人咕嗶之暇卽好爲歌
詩予以時方有事帖括戒使勿作
而秀峯竊爲之不已其篤好蓋天
性然也嗣以蠶鹽家累罷去舉業
僑居虎林托跡城市之中掉鞅埃

墟之外一切狗馬聲色游戲徵逐
之事概不足以櫻其胸所居花竹
圖史環列左右焚香却掃以詠以
陶窮搜博覽於古今藝籍之林自
諸子百家旁及二氏靡不心經手
緯采輯編纂以爲發揮性靈之資
又好遊歷山川西子湖頭山陰道

上蘭亭禹穴天台鴈宕以及虞山
虎阜三泖九龍出京口溯大江繫
馬石城之旁憑弔六朝之舊凡夫
幽奧之境名勝之區興之所到無
不裹糧以遊情與景會象由意顯
而遊覽之作因以夥焉至其舟車
所至縞紵與偕則又與四方名流

從容商榷流連贈答以文章之用
廣聲氣之投收切劘之功爲性情
之助而秀峯之詩於是有駸駸日
上之勢矣今出其篋衍所積梓之
爲飛鴻堂初藁以是正有道而乞
序於余余惟秀峯雖未克終舉子
業取科名紆青紫翔步於金門玉

堂之間然少而好學嘯咏自得數
年間已裒然成集洵乎克自振立
不爲流俗所染者况乎秀峯年甚
富學甚力不懈而及於古又烏能
測其所志哉予雖謏陋回憶十年
相得之雅其克重慰予懷而向之
戒使勿作者轉未足以廣秀峯之

志也因書數語而歸之時乾隆歲
次庚午重九後二日友生屏山方
岳薦書

飛鴻堂初稿

古歙秀峰汪啟淑著

春宵引

搖情璧月懸庭柳融融流艷穿瓊牖綠髻
佳人愁不眠凝妝攬涕當窗久更闌珠露
滋碧桃博山香炮芳心勞拂面東風如酒
醖牽儂遠思縈蘅臯

病鶴

飛鴻堂初稿
無力舞花陰
淹情宛在林頂砂
雖煜燿翻
雪漸消沉
難遂青雲志
空含碧海心
閒階
垂翅立猶似欲聽琴

題張柳漁夫子荷靜納涼圖

形骸蕭散葛襟疎
次第清風塊坐餘
大勝從遊湖上路
柳陰多處度籃輿
水花的的弄娉婷
萬竹泠泠照眼青
熱客不來人意美
閒鷗飛上看魚亭

壓波亭榭靜無譁
長日惟消一餅茶
兔盞潤回餘爽在
頻分幽味與荷花
未覺人間夏日長
蓬萊風月久回翔
懸知心地清涼遍
不藉臺端御史霜

雨中泛湖

雨洗明湖平徹如鏡
獨泛舫舟以適幽性
山含薄陰風迴清泳
候鳥時交森林遞暎
頻襟曠焉扣檝閒詠

題許氏雪莊

門對平湖屋枕山清幽渾欲出人間松濤
半嶺供欹枕書卷盈牀稱掩關秋釣定知
攜玉友夜吟應不負銀鸞誅茅我亦思來
此鷄黍他時共往還

黃浦上作

浦上縱遐觀風迴雪浪寒予心殊異此久
已不生瀾

卽景

夾岸陰陰罩綠楊傾脂河畔正纈黃舵樓
倚扇閒吟罷風送珠簾笑語香

題窗下竹

蕭蕭窗下竹稱我踞胡牀墮籜猶堆砌新
梢已出階色滋書幌碧清益酒罇香却笑
青門史裁筒引鳳凰

白龍潭歌

白龍潭畔東風暖
匝岸修楊青似染
麗景招邀曷冶遊
繁英掩暎舒妖艷
金衣公子坐深林
巧轉嬌吟浣俗襟
幾處權歌飄嫋嫋
千家樓影碧沉沉
金張舊雨多豪尙
聯襪尋芳拏畫舫
偶過水閣詫新聲
小酌逢窗傾妙釀
軸簾騁目九峯青
黃耳遺墳隔遠汀
幾社聲華餘蘊藉
漢陽風韻未凋零
蘭橈暫駐桃花岸
共訪薛濤摘藻翰
焚香

曲室戲分箋
鬪茗翠堂閒
卷幔我有淳于
醉後狂匆匆
話別怨斜陽
潭陰揮袂千金
笑花底移舟一
水香晚潮已到
虹橋外舞蝶遊
蜂尙無賴含情
懷古獨凭闌
托興長謠時攬
帶烏兔侵人疾
若馳三公七貴
欲何爲方壺圓
嶠何能至行樂
韶春且賦詩

大風渡黃浦追和張之翰韻

颯沓霜風萬籟號
輕移蘭櫂狎銀濤
玉樓

凍合從人笑要鬪詩情幾許高

泊小金山

依沙宿蘭橈素月已升嶺塞蓬肆遐瞻滿
目富烟景迴溪漾新流寫我清瘦影誰家
漏孤燈坐久猶耿耿岸柳欲垂絲含風意
先騁俄聞山鶻啼虛寂聲覺猛天地乃遽
廬何必懷箕頰低徊舞船頭零露不知冷

梅杖

閑向孤山斲一枝竹籬茅舍鎮相宜扶來
漫結羅浮夢握處還鐫鮀靖詩倚戶暗香
侵短榻過橋疎影落清池奇才不獨調羹
用須到顛危信可持

乾隆丙寅閏上巳仝人修禊湖上

泔泔湖水被故降祥陳觴命侶言采其芳
惠風重暘熙春載陽蘭亭匪遠勝事頡頏
緬彼舞雩遊潛聖發深喟幸際舒長時雨

過山綠畫穀旦無用差凌晨復衆邁少長
各抒懷盛會良足快

客夜

滯雨孤舟夜何堪復抱疴有書消客恨無
酒敵詩魔江路風波惡山城更漏訛挑燈
懷往事抱膝一悲歌

曉起聞角

曉起城東畫角聲誰人吹出戍邊情征鴻

側聽飛頻駐戰馬驚聞淚數傾秋塞魂消
家萬里春閨夢斷月三更請纓長抱終軍
志陡覺英懷撥不平

遊支硎山

蠟屐來支硎初陽浮樹杪杖策陟其巔果
覺衆山小碧艸繡平疇閒雲胷幽篠拂面
薰風和懸崖飛瀑皎花裏鬧晴蜂林陰啼
好鳥流憇古刹中巖幽人語悄老衲亦多

飛鴻堂初稿
情煮笋供客飽微吟返扁舟弄袖風嫋嫋
春夕
春寒未退晚風尖臥看爐香繞畫簾
怙悵無人同一醉樓頭新月自纖纖

短歌行

日月擲梭百年幾何對酒不樂綠髮蹉跎
賦命在天役役奚爲蓬山無路帝鄉難期
撫我素琴清風滿襟載彈載詠爰得我心

同人泛西湖

聯襟閒來泛野航水光山色兩蒼蒼岸莎
着雨無邊綠巢燕銜花爲底忙會少莫教
詩有債時清不礙醉爲鄉匆匆歸去情難
已負郭終須築草堂

慧山試第二泉

晨興登惠山芒屨踏寒雨攝衣步崇岡科
頭憇松嶼砌草色萋萋桂葉露滑滑更入

招提遊薜蘿滿環堵寂寞對花龕清風來
竹塢曉鐘有餘聲隔院和僧語懿茲第二
泉傳留歲月古徹底總澄清湛湛漾天宇
西風動碧紋漣漪曳翠縷小試龍井茶掃
葉供煎煮修綆汲清深瓶盞聊一貯傾來
香滿甌甘澹勝牛乳良晨恐相辜清話費
松塵留連忘日沉驚聽搗砧杵返櫂綠楊
溪秋光澹容與

冬日集清鑑堂觀萬夫人八分遺跡
分體得七絕

八分遺跡墮微茫鳳翥鸞拏筆勢強看取
閨中有擇木何須重溯蔡中郎
憔悴潘絲颺髻痕文綾展處跡猶溫彩鸞
自是仙家女空使人傳寫韻軒

雪莊秋萼小集

瓜皮采擷趁秋晴潦淨三潭紫線橫涼意

不禁將薄暮疎香最好是初烹流匙滑勝
雕胡飯膩齒佳於骨董羹偶憶季鷹相賞
事銅盤還起釣魚情

阻風

世路已多險天涯又阻風病來愁有黨寒
峭酒無功晚操憐殘菊孤踪媿斷蓬長吟
聊自遣誰復識袁宏

禽言二章

提葫蘆提葫蘆此時酒賤堪頻沽仰天長
嘯飲數斗怕牽俗累寧模糊尙平婚嫁幾
時了名山之遊能遍無提葫蘆提葫蘆
行不得也哥哥行不得也哥哥一春風雨
愁中過循臯舉英時易晚涉川無梁將奈
何浮生非不解南柯夢中險阻吾獨多行
不得也哥哥行不得也哥哥

詠菊

百卉凋殘後惟君開始稠傲霜奇操在遲
暮不須愁

杭丈堇浦招集寄巢戲賦冬閨和唐

人光威哀聯句韻

銷寒第一會

霜威乍勁剛逢九桂魄初虧又過三朱戶
半扇垂翠幕碧窗深掩襲紅衫琴能撥悶
絃難理酒可驅寒盞數銜蘭畹凍消呼待
女榴房罅綻祝多男紫姑堪卜應逢喜素

女爲師諒不慙翬上鴛鴦眠穩穩簾前鸚
鵡語喃喃圍爐嬾作翻荷髻籠袖慵抽劃
水簪硯滴已冰呵始泮瓶梅如玉凍還含
蛩蟾着意從來慣蟬錦傳情素未諳覽鏡
有時愁黛減焚香無事效禪叅嬌多婉轉
春遊近夢好纏綿夜寢甘惆悵寂寥金鼎
冷山遙水遠憶江南

吳甌亭招集瓶花齋食臘八粥聯句

歲序何崢嶸周京星紀忽已弔八葉抽堯

莫金志章五德重漢臘吟社邀襪聯厲鶚

山館喜簪盍浴佛東京遺梁啟心設供西竺

法漑釜精作麋丁敬析薪燎以蠟果兼樽

殼膚杭世駿米槩升龠合釋之復揉之全

山望謝載剝還載招瀘泉力斧冰顧之麟蒸

餽氣焚蒹汨汨醅汎缸吳城濃濃乳傾榼

宿辦勝咄嗟丁健早起占噬嗑坐疑集梅

林啟圍如禮花塔不待木魚呼穆何煩齋

鼓鞞素甌滿同盛江淨饌齊一呷甘芳滑

流匙樊磊塊利用挾羣喋訝水鳧護餘瀝

施檐鴿口香聞諸天龍腹果傲古衲利益

瞿曇云董家風靖師答緬思烹穀初謝軒

后澤溥洽玉井象昭垂寸橐籥紀職納人

皆依食住歐俗始理生陜貴或糅元黃誠

三品侈和雜貧或點齋鹽啟七寶爭嘅噤

或詭名目奇

穆門

料斗說閭闔或因衆指繁

江聲

舖歎沸吹飲焦傳放翁詩

樊榭

膏載叔庠

劄寒持濟軍饑

林葑

晨炊恤僮乏何如我輩

閒

龍泓

文史共歡狎蜡飲用上寅

董浦

談議資

某甲嶺梅吐萼纔

謝山

山茶破紅恰騁辭筆

紛飛

寸田

搜秘神有嗒節物鬪朋箋

甌亭

故事

徵梵夾流連至纁黃

誠叔

新月照簾押

啟淑

同人集陸氏山館分韻得飛字

陸氏有山館徑曲塵跡稀木葉時墮澗寒

風頻吹衣翠鳥不避人隔竹止復飛弄玩

几上書留連愴忘歸

題墨竹

曾傍香山十畝池阿誰妙筆寫幽姿依稀

記得湘江路細雨濃烟欲暮時

人日同人集江聲草堂分用昌黎人

日詩韻得開字

靈辰美景梅蕊橫斜開聯襪過山館低
徊步蒼苔徑幽足閒趣几爭絕俗埃春早
候鳥喜冰泮寒魚猜主人薦辛盤山翠落
酒杯新詩抽乙乙擊鉢無煩催

登鏡水樓

鏡水樓高俯大堤巍巍聳翠與雲齊凭欄
波映酡顏爽隱几山遙倦眼迷殘雪數堆
因凍積曉鶯幾樹向陽啼春風到處皆堪

戀歸屐城闌日已西

聞鶯

何處鶯簧弄曉晴問關百轉動嬌聲誰知
獨臥多愁客夢斷因之百感生

汎舟出東新關至臯亭看梅同周穆
門厲樊榭杭堇浦梁葭林丁龍沼吳
鷗亭作分韻得笑字

愁辜頭番風探梅同索笑理檝越東關清

景暘遊眺俄延香氣來鼻觀叅幽妙幾樹
臨水開粉頰低自照就影挹清芬霜禽驚
欲叫頽陽漏遙林滲碎金屑耀更期去尋
山沙岸倚吟棹

由金家堰步至崇光寺

織烏漸西匿花氣却益繁穿林散幽策彌
望香雪源小憇石梁上苔枝惹吟魂浩歌
肆遐目迴步尋祇園恰值晚叅罷丈室靜

不喧苾雛導隨喜在在疎影屯循廊取微
徑已見歸鳥翻攬帶一長嘯卜居擬成邨

宿臯亭山下田家

田翁亦好事留客意誼真相於襍被去團
坐情話親呼兒具鷄黍瓦盆更傾銀夜久
香露下花氣尤清新蒿牀愜醉卧我本山
中人

由中塔院至伏虎禪院

葍食窮幽探興好疲不覺穿林復度谿芒
鞵便犖确中塔峙中途繁花幕籬角孤舟
泉名試龍團塵抱淨如濯欲叅無盡燈三三
慚未學支筇歷上游山屏圍翠幄聞說歸
禪師於此錫曾卓道高伏山君肅恭瞻禮
數永嘯回蘭橈晴雪滿襟撲

尋月明菴

佳遊興未闌重尋下塔院循溪迤邐來萬

樹白玉鈿穠香襲客襟瘦影罨芳甸幽池
抱山門落英浮片片傳聞有高僧証果覺
嘉媛茗飲清心魂欲別意殊戀行樂須及
時流光如掣電

舟次遣興

積雨釀輕寒征途更鮮歡粘天汀草碧逐
艣水珠攢夜色將煙冥鄉愁得酒寬不緣
歸未得年壯敢求安

小寒日同穆門諸君泛舟湖上用楊
鐵崖花游曲韻

湖煙杉雨爭迷濛誇腰堤柳搖東風蘭旌
蕩漾輕雲裏閒看銀鷗戲春水信檣循山
過閭門棠梨還似舊書裙聯吟曾效邯鄲
步隻鷄又過喬公墓銜哀移權詣飛來築
室惟宜日把杯翠栢青凌碧玉盃懸崖平
類題詩版尋幽亭午段橋西愁多嬾學相

如題暫霽行歌逢蝶使茅菴紀勝名稱四
詩成安得薛濤牋烏絲小篆標新篇

古意

日煖朝慵起閒庭花正然垂簾含淚坐不
忍見春妍

抵茸城

五載馳驅吳越道茸城風景畧能諳人家
到處多臨水土俗從來不育蠶草色已青



P17

黃耳塚潮聲先到白龍潭
晚香書屋春常在
向暖梅花總面南

崑山道中

孤帆衝暮雲雙槳破澄澈
科頭篷窗下清景恣遊閱
岸柳垂碧絲桃花落紅雪
四野靜無喧深林有啼鳩
玉峯夕更佳濃露訝如刷
幽澗石巉巖流泉出嗚咽
沙鷗背人飛參差不成列
遊目未移時夜色和烟結

涵秋月晶光掩映凝寒雪
龍膏燕堂底用然鴈足漢
庭空自設丹花灼灼垂蜻
蜓風迴熠燿飄金星含空
表裏無瑕玷五夜芸窗堪
校經

清明過西子湖

消魂時節是清明逐例澆
山也出城蛺蝶紙灰飛漠
漠杜鵑血淚洒星星菜花
香裏鈿車緩楊柳風中畫
舫橫擬向金衣公子

約劈柑相與訴離情

過吳江作

飄蓬身世欲如何
又向吳江一櫂過
最是斷腸禁不得
豆花籬落夜蛩多

岸柳書蟲翠漸凋
怎教遊子不魂消
寒篷空對如霜月
嬾問垂虹第幾橋

舵樓涼意晚來深
欹枕驚聞隔岸砧
孤負三高祠下水
匆匆無計浣塵襟

上巳日仝人攜酒酌顧丈月田墓兼

修禊湖上分得船字

淡蕩和風漾紙鳶
歸橈又逼夕陽天
殘霞倒影生紅浪
晚岫浮嵐冑碧烟
絮雪暖迷南岸路
萼絲滑透裏湖船
感時懷舊情難遣
痛飲聊為暫洗湔

雜興

垂柳舞風輕風暄
喜午晴閒來林下坐
對

語有流鶯

同人集復園送春分韻得枝字

春向天涯又欲離挽留無計益淒其裊裊

易作今時別

時舒明府雲亭將歸都門

惆悵難禁隔歲

期飛絮悠揚何限路殘花寂寞最高枝雙
柑聽取鶯吭澁判盡筵前濁酒危

題畫

雲罨遙山隱隱竹遮曲院沉沉狂思蠟屐

孤往盤石張吾素琴

同人集周運判雪舫署中分詠薔薇

高齋春晚聚詩盟正值薔薇綻麗英雨濕
何郎疑粉傅風迴荀令覺香生柔條婀娜
侵衣細繁艷紛紜照眼明試待今宵圓月
上好看清影滿西楹

臨平小泊

晚風蕩輕航午醉恰初醒渡頭人不歸一

鳥破山暝

春江曲

春江雨霽平如鏡
金輪東上癡雲迸
青山新翠濃欲流
水色嵐光兩相映
木蘭之舟桂作橈
玉女刺船搖玉翹
扣舷婉轉歌一曲
梅腮柳眼俱含嬌

新秋夜雨

雨餘秋暑退
臨卧怯桃笙
境僻庭逾靜
心閒夢亦清
飄蕭和漏轉
滴瀝雜蛩鳴
欹枕牽詩興
新吟擁鼻成

子昂墨竹

墨態吳興致
絕嘉風枝露
葉儼欹斜
托根應藉淇園土
可悟山河屬別家

同人集湖上送雲亭舒明府北歸

六橋楊柳萬千絲
惆悵無由縮
別離髦馬素車悲
讀禮青燈綠酒罷
論詩燕臺迢遞

君行役浙水滌洄我夢思有約重來湖上
日招要鷗鷺再追隨

客窗聽雨

塵氛牽客子流轉到殊方事簡門常靜交
疎日覺長檢書欹碧案抱膝據胡床惟見
瀟瀟雨空期艷艷陽竹林低婀娜桐塢響
琅璫潤已侵緹幕輕憐度繚階打蕉驚客
枕織柳蔽修廊屐響歸人急簾開乳燕忙

滴階和午漏跳瓦韻虛堂李靖乘驄異孤
延繞塔狂鴉愁棲睥睨虫恐躍堂皇嫩蘚
增嬌翠殘英發故香穿簾驅螺贏飄牖走
顛當染出如茵草磨成似劍菖弄柔時裊
裊灑急也鏘鏘高隴艱收麥平疇好種秧
蜂疑悲趙后蝶似試何郎淺渚漁磯沒卑
原蟻穴傷鳳琴絃欲懦畫壁粉無光窈窕
商羊舞翩躚石燕翔漫勻堤柳碧只益徑

莎芳綠水魚吹沫
高空鴈斷行
泉流奔激
澗珠綴倒垂
楊撼竹驚元鶴開
萍躍赤魴
圓波浮荇沼
紅淚浥榴房
遠浦颿雲滯
隣菴塔影藏
汀蘆青漠漠
江荻白茫茫
屑玉敷蘭畹
鎔銀燦藕塘
眠鷗如霧隱
飢鷺學啼妝
獨引爛斑几
誰貽歛灑觴
遣懷兼惜景
傾耳賦餘涼

題戴西窗楊溪讀書圖

高齋占斷碧溪邊
石鼎陶尊樂靜便
愛煞綠楊風乍起
玲瓏窗戶響琴絃
萬卷便便現在身
清風滿榻不生塵
北窗未與西窗異
重見羲皇以上人
光風霽月與心偕
幾度摳衣有道齋
最是低徊不能去
閒庭清影轉松欵

出郭

扁舟纔出郭
景物便增幽
樹色和煙密
山

光逐水流好風清枕簟時雨足田疇不盡
蕭閒趣磯邊羨野鷗

題錢舜舉摹周昉內人雙陸圖

春深語燕喧雕梁內人宴起猶慵粧
榻來花下戲雙陸寶釵斜
暉雲鬢長穴路高擎
姑未擲競持妖態堪憐惜對局
沉思撫石砑有美旁觀最閒
適蠻錦紅鞵窄似蓮纖
腰依約想嬋娟鴉頭扶牀
汲銀井轆轤疑

若聞聲然司宮欲促畫
看去恐被嬌嗔意猶豫
俄延亭午暝吹橫滿苑
悠揚飛柳絮錢郎筆妙
擅臨摹展玩使我生歎
歎試問月明清夜永
點籌還待羊車無

初夏書齋獨坐

參差新竹映窗紗
默坐文窗日影斜
喚雨鳴鳩藏棟樹
欹風雛燕拂桐花
翩翩穉蝶翻閒慢
簇簇羣蜂鬧晚衙
自愛蕭疎有餘

味小爐親煮火前茶

卽事

曉起西窗坐焚香淡世情山中幽鳥過相
與說新晴

題范墨濤鴛湖垂釣圖次丁敬身韻
忘機鷗鳥效鴟夷占得鴛湖古釣磯
震漿每衝煙靄出短帆閒掛月明歸
桂花香冷鱸魚美楊柳風高菰米肥
塵世是非都不

管畢生蕭散似君稀

湖心亭

客懷不稱意小酌湖心亭清風蕩煩暑
菡萏發餘馨况復時雨後遠山開翠屏
征帆破虛碧老柳依迴汀新涼襲襟袖
酒薄眼易醒孤吟撫危檻輕條衝紫萍
牽我濠濮想莞爾忘飄零

咏清勤堂秋芍藥分韻得七虞

不向三春鬪麗姝却於秋末伴清娛嬌姿
霜冷須加護弱骨風嚴欲倩扶晚節正堪
籬菊竝幽香已覺海棠輪奇葩到眼成嘉
會好付丹青繪作圖

絕句

鄉山罨畫費相思已練歸期更後期颯颯
商飈將釀雪黃花應笑容歸遲

九日湖上

病起逢辰逸興豪偶來湖上泛輕舸秋深
木落山容瘦雲淨天空鴈字高楓葉染霜
紅滿樹波痕酣雨碧盈篙扣舷自得蕭閒
趣采菊囊菜笑太勞

秋晚同方屏山夫子涵齋金柳蘭家
桐山晚步江干以到江吳地盡隔岸
越山多分韻得多字

恐負清秋光招邀共婆娑散策到江上夕

陽佳景多遠帆衝鴈影遙笛隨漁歌潦水
白似練霜楓紅如酡藉草聊小憇野菊盈
前坡撫景感良候搔首頻吟哦人生若行
樂覆丸任擲梭

晚泊

寒鴉歸樹後各已纜輕橈風月劇清美關
河自寂寥舊遊懷勝友壯志薄青霄塊坐
篷窗下悲吟弄酒瓢

一泓齋坐月

一泓齋裏月如水潦盡寒潭清到底一泓
齋前水如月霜洗碧天益皎潔月光水氣
兩交凝枯坐雙足如踏冰萬籟悄寂若虛
谷商飈輕颺簾波綠楓林紅老橙盡黃梅
花的爍初浮香人生佳景最易失似此良
宵難屢得新詩吟罷興毡毳吸盡筵前歛
灑杯

春歸

海棠零落柳綿飛
漸覺園林景已非
荀令座寒香欲換
沈郎腰瘦帶寬圍
鶯花勝賞疑如夢
詩酒風流幸未違
倚遍碧欄聊短詠
消魂時節是春歸

水哉亭曉起贈許五鵬飛

枕簟涼生秋雨初
晨興把卷對芙蕖
碧梧一葉隨風墮
翠竹千竿隔水虛
地僻禽魚

供雅玩人高泉石稱幽居
他年擬買東隣宅
日夕同君好著書

感秋

酷暑方除日涼風拂面
新生衣雖可戀滑
簞已難親雁唳驚鄉夢
虫聲感病身秋來
無限恨偏易到羈人

寒夜

小鼎香銷識夜殘
徘徊獨自倚闌干
幾回

欲作懷人賦雪下吟詩句恐寒

秋宮怨

銅龍聲歇水淋盡曉光淒戾霜風勁西苑
銀床動轆轤錯訝羊車來欲近鴛衾輾轉
不成眠起拂多羅弄翠鈿無金難覓相如
賦紅淚闌干空自憐

春晚齋居

高枕空齋裏狂歌戀晚春篆香縈客夢花

影黯吟神已惜鶯吭澁俄看竹粉新故山
猿鶴在應怨未歸人

和黃司馬圖秘悼姬人計雪香

學道無成笑老莊人間難覓返魂香簾垂
箏竟空依舊秋雨春風祇自傷
畫裏看來絕似真可憐嬌面尙生春從君
萬轉千迴喚羅襪無從挹後塵
人去粧臺晝掩闌釵分鏡判事全非酸心

最是隨鬟蝶尙覓餘香不住飛

仝人集得月軒分詠軒中消暑物得

簾枕

何以逃酷暑北窗有簾枕散髮臥匡牀睡
鄉堪小隱冷然來清飈心冷夢亦冷庭寂
忘市喧境靜疑日永緬想錢鏐王勞神徒
號警功名總是空浮生須早惺邯鄲初覺
餘檻籠修竹影

放櫂

蒲帆開處趁春陰出郭橫林見暮禽雪霽
山茶紅正好風顛岸柳瘦難禁縈迴鄉夢
憑高枕排遣羈愁藉素琴靜倚篷窗閒點
筆數聲欸乃和清吟

鴛湖雜興

瓜皮小艇疾如飛正直良宵月色輝貪向
船頭玩清景却忘寒露暗侵衣

雨後湖波漲舊痕漏深戶戶盡局門誰家
短笛穿雲響欄外梅花欲斷魂

皎皎晶光罨滿湖湖波絕似練平鋪他年
來此爲漁父不羨仙家白玉壺

白蓮古剎已荒涼剩得欵堤幾樹楊驚鵲
翻枝疑已曙背人飛過小紅墻

春仲偕陳息川強易窗家穆哇阻潮

葦塘

黃浦潮來勢若奔艤舟閒泊葦塘邨狂風
挾浪頻驚纜細雨和烟暗打門零落桃花
增悵望羈遲燕子欲銷魂無窮客興篷窗
底付與清吟共酒樽

曉過七堡

不暖不寒時候半晴半雨天工扁舟曉過
七堡一路山杏花紅

齋居卽事

多病澹塵想翫幽安瑟居已驚池柳瘦耐
可井桐踈賞雨忽高興焚香因讀書浮生
能有幾吾且樂如如

春興

柳絲日暝倚風輕隔巷飴簫送好聲只有
黃鸝能解事晴窗相與話春情

舟中寒食

誰憐寒食在天涯悶倚篷窗漱彩霞客緒

只如春草亂鄉思難得暮山遮窺人柳眼
眠初熟惹恨榆錢落正賒不獨子推千古
痛臨風一倍惜年華

春暮登虎阜追和東坡韻

登岸卽聞鐘入寺始見嶺紆道林水交綠
翳悠悠井昔人試劍石至今有雄耿蔭深
巖壁潤坳穴多蛙黽傳聞闔閭墳遭劫同
寶礦白虎雖久藏髣髴見精猛更登千人

座肆目縱遊騁蕭條真娘墓碑語含幽哽
後眺多平田新綠展百頃晚風起松濤謾
謾衣裳冷客裏寡塵勞倍覺晷刻永茲辰
雖陰霾轉幸得幽景遙林見歸禽高塔生
古影長嘯回扁舟黃鸝不須請

客懷

階角梅花漸欲殘蕭蕭密雨釀春寒客懷
已覺無聊賴更凭危樓十二闌

登樓

岸幘曉登樓風清露未收海棠嬌欲睡池
柳綠初柔去國憐王粲逃名慕許由碧欄
空倚遍無計遣離憂

遊雲林寺

眷言遊雲林蓐食天尚昧肩輿出西郭飛
灑雨忽大祇思入山深遑計濕衿帶肅恭
陟精廬佛事值高會蠟煙散氤氳香氣飄

飛鴻堂初稿
三
穉鶴頂禮梵王前慈力衆所賴回向淨信
心惟願家國泰主僧迓客入斗室絕埃壒
高閣試同登騁目塵垢外四圍山迷濛雲
峰似張蓋湖光漲一角湛湛綠汪濊遠舟
泛鳧鷖堤柳動旌旆天然列圖畫妙筆難
遽繪展眺山之阿奔峭幽更寂稚竹色娟
娟野禽聲噦噦林猿不避人窺人翻狡獪
徘徊忘日晏虛谷動萬籟尤愛小亭閒泉

聲出青靄緬懷丹山詩悠然發長嘅揮手
辭空林踈鐘動杉檜

海寧公署八詠爲鄂筠亭觀察賦

竹南詩屋

隱几詩懷淡宕遶檐竹色參單句就披襟
理詠好風時來自南

晏閒亭

一亭寂逾僧舍蕭然水竹之間公暇偶來

塊坐高雲淡佇同閒

絮影軒

謝女清思入詠陶公高致遮門莫悵古人
雲徃且看輕影當軒

滴海池

雲影涼欹翠蓋露華香沁紅衣誰云大海
一滴已全三十六陂

柳障

香山舊日詩句柳偏東面風多先生以之
代障閒情不啻能過

魚戲闌

阿誰爲歌樂府魚戲蓮葉之東便覺倚闌
興好將無濠濮趣同

剪淞堰

詩人句有造化并刀剪取吳淞官圃未盈
五畝偏饒江色雲容

平泉一簇

石丈天然磊砢嘉名何錫平泉酌酒支琴
聊復應如過眼雲煙

湖上雨泛

晴湖不如遊雨湖

明張合宙載當時杭諺也

詩情遊興

今相符千山冥濛揜絮帽兩湖錯落跳明珠
漁翁灑笠掠煙去驚起白鷺低菰蒲須
臾雨止濕雲淨山色湖光兩相映佛頭螺

色不計層新潑葡萄平似鏡西子捧心態
轉增但愛娟妍孰嫌病乍晴乍雨景更奇
幾多雲片共煙絲蓬萊宮殿杳難接莫笑
遊人歸去遲

夏日仝人登四照亭

欲攬全湖勝來登四照亭千層新漲碧萬
笏遠峰青夕景明丹壁輕風起白蘋何當
來此宿消暑更翻經

七月二日小雨初涼全人枉顧分韵
得來字

輕颺淨煩暑細雨滋莓苔炎涼片刻移此
景真竒哉披襟步庭際撫松獨徘徊忽聞
剝啄聲有客不速來花逕未暇掃蓬門聊
爲開招邀北窗下共傾濁酒杯高談興轉
清晚蟬莫相催

仲春同人展穆門周丈墓於青芝塢

兩高峰下認遺墳草拂寒煙感失羣白馬

驅來慚范子

先生卒於吳淞予適抱疾未獲親往執紼

隻鷄到

此效喬君葛帔零落雖堪免隣笛悲涼不
可聞展拜難爲攜杖去孤吟空自對湖雲

聞比隣吳調曲

日夕擁百城兀兀坐超忽宵分步中庭隣
舍吳歛發乍疑嫠婦啼轉作驍將突鳴鳴
雜淒淒冰壺迸珠滑繁聲貫碧雲高天墜

飛鴻堂初稿終
涼月四壁頓聞寥悵悴搔短髮長謠撫清
琴商飈振林樾

秋晚登開萬樓

鯉魚風緊杪秋天兀坐層樓思悄然一曲
沙河臨檻下數行鴈字過檐前高低巷杵
敲涼月斷續城笳咽暮煙自有庾公蕭逸
興何須把菊醉籬邊

次韻題龔光國墨菊

臨海何須冒雨尋羅含宅裡有黃金如今
併入先生筆絕勝東籬采滿襟

飛鴻堂初稿終

升洪堂初稿

Blank columns for text within a rectangular frame.



